



BARAZA LA WAWAKILISHI – ZANZIBAR

ORODHA YA SHUGHULI ZA LEO

BARAZA LA TISA LA WAWAKILISHI

MKUTANO WA SITA

Kikao cha Thelathini na Moja – Tarehe 20 Juni, 2017.

Kikao Kitaanza Saa 3.00 (Tatu) Asubuhi
na Dua itasomwa.

I. TAARIFA YA SPIKA

II. HATI ZA KUWASILISHA MEZANI

Waziri wa Fedha na Mipango:

Hotuba ya kuwasilisha Mswada wa Sheria ya Kuidhinisha Makisio na Matumizi ya Shilingi Trilioni Moja Billioni Thamanini na Saba Millionia Mia Tatu Hamsini na Tisa na Laki Nne kutoka Mfuko Mkuu wa Serikali kwa mwaka wa Fedha unaoishia siku ya tarehe Thalathini Juni, Mwaka Elfu Mbili na Kumi na Nane na kuruhusu utoaji na Uhaulishaji wa Fedha hizo pamoja na Mambo Mengine Yanayohusiana na Hayo.

Hotuba ya kuwasilisha Mswada wa Sheria ya Kutoza Kodi na Kurekebisha Baadhi ya Sheria za Fedha na Kodi Kuhusiana na Ukusanyaji na Udhhibiti wa Mapato ya Serikali na Mambo Mengine Yanayohusiana na Hayo.

Mwenyekiti Kamati ya Bajeti:

Hotuba ya Maoni ya Kamati ya Bajeti Kuhusu Mswada wa Sheria ya Kutoza Kodi na Kurekebisha Baadhi ya Sheria za Fedha na Kodi Kuhusiana na Ukusanyaji na Udhhibiti wa Mapato ya Serikali na Mambo Mengine Yanayohusiana na Hayo.

III. MASWALI:

Ofisi ya Rais, Tawala za Mikoa, Serikali za Mitaa na Idara Maalum za SMZ:

96. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Kwa muda mrefu kumekuwa na zoezi la kukamata mifugo inayodaiwa kufungwa kinyume na taratibu za usafi wa miji. Hata hivyo baadhi ya wananchi wamekuwa hawafahamu njia na taratibu za kupita ili kurejeshewa mifugo yao.

Je, ni utaratibu gani wananchi ambao mifugo yao imekamatwa wanatakiwa wapite ili warejeshewe mifugo yao.

Ofisi ya Rais, Katiba, Sheria, Utumishi wa Umma na Utawala Bora:

24. MHESHIMIWA MWANAIDI KASSIM MUSSA (Nafasi za Wanawake) - Atamuuliza Mheshimiwa Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora:

Sheria inayohusiana na Ukatili wa Kijinsia haiendani na wakati uliopo hivi sasa na hivyo kusababisha vitendo hivyo vya ukatili wa kijinsia hasa kwa wanawake na watoto kuzidi katika jamii.

Je, ni lini Sheria hii itafanyiwa Marekebisho ili kukabiliana na tatizo hilo.

Wizara ya Kilimo, Maliasili, Mifugo na Uvuvi:

76. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Kilimo, Maliasili, Mifugo na Uvuvi:

Mnamo tarehe 16/03/2017 kulishushwa kokoto za kujengea kutoka meli ya mizigo iliyotoka Dar es Salaam. Gari zipatazo 15 zilitumika kupakia mzigo huo ambapo gari 12 ziliruhusiwa kuondoka bila usumbufu wowote lakini gari 3 zikazuiliwa na Afisa wa Kilimo.

- (a) Je, ni sababu gani gari hizo 12 zikaruhusiwa na nyengine 3 zikazuiliwa.
- (b) kwa kuwa kuna taarifa kuwa wamiliki wa mzigo huo wamelipishwa fedha kiasi cha Shilingi Million moja ni sababu gani wamiliki hao wakalipishwa.
- (c) Je, ni nani wamiliki wa mzigo ule wa kokoto.

Wizara ya Afya:

99. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Afya:

Hivi karibuni kumekuwa na ongezeko kubwa la ajali za barabarani zinazosababisha vifo, vilema na majeraha mabaya. Pamoja na ongezeko hilo la ajali, bado Hospitali ya Mnazi Mmoja kuna Daktari bingwa mmoja tu wa mifupa katika kitengo cha dharura ambaye hatoshi, na mara nyingi inapotekezea mahitaji hulazimika kutafutwa, kwa vile hawezi kuwepo kwa saa 24.

Je, kwanini juhudi za makusudi zisifanyike kutafuta Daktari mwengine wa mifupa ili kukabiliana na uhaba uliopo hivi sasa.

Wizara ya Ardhi, Maji, Nishati na Mazingira:

114. MHESHIMIWA SULEIMAN SARAHAN SAID (Jimbo la Chake Chake) - Atamuuliza Mheshimiwa Waziri wa Ardhi, Maji, Nishati na Mazingira

Serikali ya Mapinduzi ya Zanzibar chini ya Uongozi wa Dkt. Ali Mohamed Shein inastahili pongezi kwa juhudi za kuiletea maendeleo Zanzibar na hasa katika Mji wa Chake Chake ambao ni Mji wa pili wa Zanzibar kwa kuupandisha hadhi. Hata hivyo, miongoni mwa sifa za miji ni kuwa na mambo mengi kutokana na hadhi yake.

- (a) Je, Serikali imetenga maeneo mangapi ya wazi kwa ajili ya matumizi tofauti tofauti katika Mji wa Chake Chake.
- (b) Je, Serikali inaweza kulifanya eneo la Tibirinzi mkabala na jengo la Hoteli ya ZSSF kutumika kama forodhani ya Chake Chake.
- (c) Kama Serikali imetenga au haijatenga maeneo ya wazi katika Mji wa Chake Chake, haioni umuhimu wa kuyazuia maeneo yote yaliyo wazi kujengwa majumba.

Wizara ya Ujenzi, Mawasiliano na Usafirishaji:

45. MHESHIMIWA ABDALLA MAULID DIWANI (Jimbo la Jang'ombe) - Atamuuliza Mheshimiwa Waziri wa Ujenzi, Mawasiliano na Usafirishaji:

Pamoja na jitihada mbalimbali zinazochukuliwa na Serikali ya Mapinduzi ya Zanzibar katika kuwaondoshea changamoto wananchi wetu kwa kuwaekea mazingira mazuri ya miundombinu ya barabara ikiwemo ukarabati wa barabara hizo.

- (a) Je, ni taratibu gani zinazochukuliwa ili kuwapata wakandarasi wazalendo wenye sifa za kupewa kazi hizo za ukarabati wa barabara zetu kwa kutumia Kampuni za ndani.

(b) Je, Wizara haijawa na utaratibu wa kutoa kipaumbele kwa Kampuni za wazalendo zenye sifa.

56. MHESHIMIWA SIMAI MOHAMED SAID (Jimbo la Tunguu) - Atamuuliza Mheshimiwa Waziri wa Ujenzi, Mawasiliano na Usafirishaji:

(a) Wazanzibari wangapi wameajiriwa katika Shirika la Ndege la Air Tanzania.

(b) Ni nani aliyenunua ndege hizo mpya za Air Tanzania na kiasi gani cha mgao wa fedha Zanzibar itapata.

IV. HOJA ZA SERIKALI:

Waziri wa Fedha na Mipango:

Mswada wa Sheria ya Kuidhinisha Makisio na Matumizi ya Shilingi Trilioni Moja Billioni Thamanini na Saba Million Mia Tatu Hamsini na Tisa na Laki Nne kutoka Mfuko Mkuu wa Serikali kwa mwaka wa Fedha unaoishia siku ya tarehe Thalathini Juni, Mwaka Elfu Mbili na Kumi na Nane na kuruhusu utoaji na Uhaulishaji wa Fedha hizo pamoja na Mambo Mengine Yanayohusiana na Hayo.

Mswada wa Sheria ya Kutoza Kodi na Kurekebisha Baadhi ya Sheria za Fedha na Kodi Kuhusiana na Ukusanyaji na Udhibiti wa Mapato ya Serikali na Mambo Mengine Yanayohusiana na Hayo.

Zanzibar,
20 Juni, 2017.

(Raya Issa Msellem)
KATIBU WA BARAZA.